

西方願文解講記 科判

明 淨業弟子祿宏 著並釋 智圓法師 講述

釋道淨整理（添加甲乙等） 20240715 4 稿 微信 qq 973451196 校對 禁止商用篡改 法律責任必究
表 1：（2 表）

科判			文釋
全文分二	甲一總序歸敬分三	乙一標主	<p>稽首西方安樂國 接引眾生大導師 稽首者，以首叩地，敬之至也。西方國土無量，今歸敬者，西方之安樂國也。安樂，極樂之異名也。 或名安養，或名清泰，其義一也。接，攝取也。引，指導也。 眾生沉淪，接取置之善地。眾生迷昧，指導歸之正途。凡知識羅漢菩薩如來，皆接引導師，如畋獵之有虞人，涉川之有舟長，問路之有土民也。 惟佛為群導師之中大導師也。 大，二意，一普度群靈無遺失故，二究竟成佛無退轉故。</p>
		乙二明願	<p>我今發願願往生 信行願三，淨土資糧。但言願者，惟信故願，願之切者，必其信之真也。行以願立，願之切者，自能行之力也。 是以彌陀經中，專說發願願往，不一而足。</p>
		乙三請加	<p>惟願慈悲哀攝受 願文備矣。 或問，古云把手牽他行不得，惟人自肯乃相應，何乃求佛攝受耶。 答，一者彌陀本願力故，二者求佛攝受正自肯故，三者感應道交正相應故。</p>
	甲二正述願文分三	乙一求生西方正因分五	<p>弟子（某甲眾等），普為四恩三有，法界眾生，求於諸佛一乘無上菩提道故，專心持念阿彌陀佛萬德洪名，期生淨土。 先出唵佛求生淨土之本志也。普為者，兼利為懷，不為自身獨求解脫也。一乘者，佛果為期，不於餘乘妄有希冀也。發如是心，乃修淨土，是謂正因。苟為不然，雖勤唵佛，因地不真，果招迂曲。四恩者，在家則父母眾生國王三寶，出家則父母師長國王施主也。三有者，欲有色有無色有也。</p>
			<p>又以業重福輕，障深慧淺，染心易熾，淨德難成。今於佛前，翹勤五體，披瀝一心，投誠懺悔：我及眾生，曠劫至今，迷本淨心，縱貪瞋痴，染穢三業，無量無邊，所作罪垢，無量無邊，所結冤業，願悉消滅。 承上雖發大心，恐宿世今生業障多而福慧少，欲淨偏染，故須懺悔。本淨者，心本自淨，因迷成染，今始覺知，慚愧修省。若本不淨，如銷頑鐵欲成真金，縱經百鍊終不成就。三業者，身業意業口業也。三業各具貪瞋痴故。</p>
		乙二求淨業成就	<p>從於今日，立深誓願，遠離惡法，誓不更造，勤修聖道，誓不退惰，誓成正覺，誓度眾生。 雖已懺悔，不發誓願，是謂有懺無悔。 要者，猶俗雲脅制，古曰要君，今自要故。四句，即四弘誓也。 遠離句，即煩惱無盡誓願斷也。勤修句，即法門無量誓願學也。 誓成句，即佛道無上誓願成也。誓度句，即眾生無邊誓願度也。</p>
			<p>阿彌陀佛，以慈悲願力，當證知我，當哀憫我，當加被我。 願禪觀之中，夢寐之際，得見阿彌陀佛，金色之身；得歷阿彌陀佛，寶嚴之土；得蒙阿彌陀佛，甘露灌頂，光明照身，手摩我頭，衣覆我體。 古淨土文謂，佛以天眼遙觀，天耳遙聞，他心速見，故行人既發大心，佛必證知。既證知已，佛大慈悲必垂哀憫。既哀憫已，佛大威神必垂加被。 顯如禪觀，幽如夢寐。所云金色寶嚴，甘露光明，手摩衣覆，精誠之極，感應自然。或不精誠與精誠未極，則不能也。 然行人但須一心精誠，不必因此生著，作意求現。</p>
		乙三淨業成就	<p>使我宿障自除，善根增長，疾空煩惱，頓破無明，圓覺妙心，廓然開悟，寂光真境，常得現前。 既以自力，又蒙佛力，內外交資，故障滅善生。有如是等大利益事。空而曰疾，不勞肯綮修證也。破而曰頓，不歷階級次第也。了悟圓覺，常住寂光，至是得本淨心，故曰淨業成就。宿障者，貪瞋痴等。善根者，戒定慧等。 妙心真境，言之似分，實則即心即境，即境即心，二而不二。</p>
		乙四淨業成就	
		乙五淨業成就	

表 2: (2 表)

全文分二	甲二正述願文分三	乙二得生西方明驗分三	丙一臨終正念	<p>至於臨欲命終，預知時至，身無一切，病苦厄難；心無一切，貪戀迷惑；諸根悅豫，正念分明，舍報安詳，如入禪定。</p> <p>至於者，前修淨因，故至臨終，感斯淨報也。</p> <p>平日散心雜念，臨行揮霍悼惶。唵佛若至一心，臨終安得不定。然行人但貴已離貪戀迷惑，勿慮或遭病苦厄難。</p> <p>倘遭病厄，當知唵佛人死此往生，如脫敝衣，得換珍服，如出牢獄，得還故家，不亦樂乎。</p> <p>況古云還有不病者麼，則亦有不厄者，復何慮哉。</p> <p>病苦者，身所生。</p> <p>厄難者，身所遇。貪戀者，或貪眷屬，或貪財產，不能捨故。</p> <p>迷惑者，心念顛倒，如不知地獄，而曰我欲往中，我欲往中故。</p>
			丙二感佛來迎	<p>阿彌陀佛，與觀音、勢至，諸聖賢眾，放光接引，垂手提攜。樓閣幢幡，異香天樂，西方聖境，昭示目前。</p> <p>令諸眾生，見者聞者，歡喜感嘆，發菩提心。</p> <p>經雲執持名號一心不亂，其人臨命終時，阿彌陀佛與諸聖眾，現在其前是也。</p> <p>眾見發心，則自他兼利矣。又眾人皆見，其事乃真。</p> <p>獨己見之，或是魔事。</p>
			丙三往生極樂	<p>我於爾時，乘金剛臺，隨從佛後，如彈指頃，生極樂國，七寶池內，勝蓮花中。</p> <p>上見佛來，今隨佛去，無來去中而來去也。勝蓮花者，上上品也。</p>
		乙三已生淨土大用分四	丙一見佛得記	<p>花開見佛，見諸菩薩，聞妙法音，獲無生忍，於須臾間，承事諸佛，親蒙授記。</p> <p>上言平日求生，臨終得生，然豈徒得生而已乎。</p> <p>今言得生之後，親蒙佛記，具足功德，廣度眾生，有如是等大用也。</p> <p>凡生西方者，花開有遲速，見佛有早晚，悟道有先後。</p> <p>今是舉念即生，生已即花開，即見佛，即聞法，即得忍，即授記也。皆上上品事。</p>
			丙二蒙記具德	<p>得授記已，三身四智，五眼六通，無量百千，陀羅尼門，一切功德，皆悉成就。</p> <p>或疑，如是廣大功德，累劫修習未必能得，云何一生西方皆悉成就。不知萬法唯心，既得一心，何法不得。</p> <p>文殊般若稱念佛為一行三昧，得此三昧，所有多聞智慧辯才遠過阿難百千萬億倍。餘可知矣。</p> <p>三身者，法報化身也。</p> <p>四智者，大圓鏡，平等性，妙觀察，成所作智也。</p> <p>五眼者，肉眼，天眼，慧眼，法眼，佛眼也。</p> <p>六通者，天眼，天耳，他心，宿命，神足，漏盡通也。</p> <p>陀羅尼者，此雲總持。</p>
			丙三成德利生	<p>然後不違安養，回入娑婆，分身無數，遍十方刹，以不可思議自在神力，種種方便，度脫眾生，鹹令離染，還得淨心，同生西方，入不退地。如此大願，世界無盡，眾生無盡，業及煩惱，一切無盡，我願無盡。</p> <p>然後者，古所謂既生西方，得無生忍已，還來此世救苦眾生也。</p> <p>不違而入者，常居九品，常在十方，時時堪忍度眾生，刻刻西方入正定也。還得淨心者，上言迷本淨心，此言昔迷今悟，如久失方得，得其本有之淨心，非新得也。</p> <p>願無盡者，前來發起無上大心，故今成滿無盡大願也。</p>
			丙四普皆迴向	<p>願今禮佛發願，修持功德，回施有情，四恩總報，三有齊資，法界眾生，同圓種智。</p> <p>初始發心求生淨土，本為四恩三有法界眾生故。今迴向亦如是。</p>